

91 წლის წინ, 1933 წლის 2 აპრილს დაარსდა გაზეთების: „თერჯოლის“, „წინსვლის“ და „საკოლმეურნეო სოფლის“ წინამორბედი, გაზეთი „ჩხარის კოლმეურნე“.



# 91 წელი თქვენთან ერთად!



„არს მთის კალთას, სკანდას, სასახლე მეფეთა და ციხე დიდი, დიდშენი“  
პანსუპტი პაპრატიონი

# თერჯოლა

Facebook გაზეთი თერჯოლა  
www.nplg.gov.ge  
www.terjola.gov.ge

საზოგადოებრივი გაზეთი • გამოდის 1933 წლიდან • №4 (7127) 17 თებერვალი 2025 წელი

## გადაწყვეტილებას იღებს მოსახლეობა

### „სოფლის მხარდაჭერის პროგრამა—2025“



„სოფლის მხარდაჭერის პროგრამა“, რომელიც მართალია, დიდად არ გამოირჩევა თავისი ბიუჯეტით, მაგრამ საქმეს მაინც ბევრს აკეთებს.

უპირველესად, მხედველობაში რა თქმა უნდა, ის ინფრასტრუქტურული მცირემასშტაბიანი პროექტებია, რომელთა რეალობაში გაშლა ერთგვარად აუმჯობესებს სოფლის მოსახლეობის ცხოვრებას.

ამასთან, არ შეიძლება ასევე ხაზგასმით არ ვთქვათ, იმის თაობაზე, რომ ყოველწლიურად, ინფრასტრუქტურული პროექტების შერჩევის საქმეში გადაწყვეტილების მისაღებად, მოსახლეობის მეტი ჩართულობაა. ეს კი, იმას ნიშნავს, რომ

იხვეწება ამ პროცესზე თვითმმართველობის პასუხისმგებელი პერსონების როლი, რიგითი მუშაკიდან პირველ პირებამდე დამთავრებული. შედეგად ჩანს... არ ვიცით, სტატისტიკურად რა საბოლოო სურათი გამოიკვეთება, მაგრამ უნდა ვთქვათ, რაც ხილული და თვალნათელია—პროექტების შესარჩევ შეხვედრებზე, კონსულტაციებსა თუ კრებებზე წელს ბევრად მეტი თერჯოლელი მონაწილეობდა ვიდრე გასულ წლებში.

პროცესის ნიშანდობლივი მახასიათებელი დადებითი ნიშნით ისიც გახდა, რომ მთელ რიგ კონკრეტულ შემთხვევებში, ამ შეკრებებზე საკმაოდ პრინ-

ციპული დისკუსიებიც იმართებოდა ცალკეული პროექტების წარმომდგენ პიროვნებებსა თუ პროექტების მხარდაჭერებსა და მონაწილეებთან შორის. თუმც, ისიც ხაზგასასმელია, რომ ადრეულ წლებთან შედარებით, კარგად იგრძნობოდა, რომ ჩვენი მოსახლეობა სულ უფრო ეჩვენება ღირსეული თანაცხოვრების წესებს—თანადგომას, ურთიერთპატივისცემას, კომპრომისებს და შეთანხმებას.

ყველაფერი ეს, რაც უკვე ვთქვით კარგად გამოჩნდა მუნიციპალიტეტის ყველა ადმინისტრაციულ-ტერიტორიულ ერთეულში გამართულ კრებებზე, რომლებსაც


## საქართველომ კარგად ჩააბარა ზამთრის ოლიმპიური გამოცდა

ბაკურიანში, თბილისსა და ბათუმში დასრულდა ევროპის ახალგაზრდობის ზამთრის მორიგი ოლიმპიური თამაშები. საერთო აღიარებით საქართველომ, როგორც ორგანიზატორმა ქვეყანამ კარგად ჩააბარა ეს ოლიმპიური გამოცდა... ზამთრის ოლიმპიური თამაშების შესახებ „თერჯოლის“ მომავალ ნომერში ჩვენი თხოვნით გვესაუბრება საქართველოს ოლიმპიური კომიტეტის იმერეთის რეგიონული ორგანიზაციის თავმჯდომარე რევაზ რობაქიძე.



## თერჯოლის მუნიციპალიტეტის 2025 წლის სოციალური პროგრამები

„თერჯოლის“ წინა ნომერში დავიწყებთ თერჯოლის მუნიციპალიტეტის 2025 წლის სოციალური პროგრამების გამოქვეყნება, რომლებიც მუნიციპალიტეტის საკრებულომ 2025 წლის 15 იანვრის სხდომაზე დაამტკიცა. დამტკიცებული 19 სოციალური პროგრამიდან, ჩვენი გაზეთის წინა ნომერში შემოგთავაზებთ ათი პროგრამა, დღევანდელი გაზეთის მე-3, 6, 7 გვერდებზე კი გთავაზობთ დანარჩენ 9 პროგრამას.



## 2025 წლის პირველი ჩემპიონი— პირველი ოქრო

ახალი სპორტული წელი წარმატებებით დაიწყო!

ახალი, 2025 წელში სასტარტო პირველ თვეებში უკვე გაგვახარებს ა(ა)იპ თერჯოლის სპორტული სკოლა და სპორტულ-გამაჯანსაღებელი მუნიციპალური ცენტრის სპორტსმენებმა. პირველად ნიკა ბრეგვაძემ გვახარებდა, რომელმაც 2024 წელს სამბოში საქართველოს ჩემპიონის ოქროს მედალს ამჯერად ძიუდოში აღებული ბრინჯაო მიუმატა. შემდეგ კი სამბისტების ჯერი დადგა, რომელთაგან დავით ბუჯაძე საქართველოს ჩემპიონი გახდა, მან ოქროს მედალთან ერთად, ევროპის ჩემპიონატის საგზურიც მოიპოვა.

ამ ჩემპიონატზე, რომელიც ქ. თბილისში გაიმართა კადეტთა შორის (2008-2011 წწ.) ჩვენი სპორტსკოლის მოჭიდავეებმა ჯამში 5 მედალი, აქედან ერთი ოქრო, სამი ვერცხლი და ერთი ბრინჯაო მოიპოვეს.

I ადგილი დავით ბუჯაძე; II ადგილი თამარ ზარნაძე; II ადგილი ქეთი ბუცხრიკიძე; II ადგილი ნათია სვანაძე; III ადგილი გიორგი ლომიტაშვილი.

გილოცავთ! მხოლოდ წარმატებები ყოფილიყოს თქვენი თანამგზავრი!

დათო ხუჯაძე  
71 38  
ჩემპიონი

### თერჯოლის მუნიციპალიტეტის საკრებულოში

5 თებერვალს თერჯოლის მუნიციპალიტეტის საკრებულოში მორიგი სხდომა გაიმართა, რომელსაც საკრებულოს თავმჯდომარე -

და სოციალურ საკითხთა კომისიის თავმჯდომარის, შალვა ჭანკვეტაძის მიერ წარმოდგენილ საკითხებს, რომლებიც ეხებოდა „თერჯო-

ებითი საცხოვრებელი ბინის, ქირით უზრუნველყოფის 2025 წლის პროგრამის დამტკიცების შესახებ“ თერჯოლის მუნიციპალიტეტის საკრებულოს 2025 წლის 11 იანვრის № გ-29.292501513 განკარგულებაში ცვლილების შეტანას. დეპუტატებმა ასევე დამტკიცეს თერჯოლის მუნიციპალიტეტში შეზღუდული შესაძლებლობების მქონე პირთა უფლებების დაცვის 2025 წლის სამოქმედო გეგმა.

სხდომას თერჯოლის მუნიციპალიტეტის მერი მანუჩარ რობაქიძე, მერის მოადგილე, ზვიად ბაზაძე, მერის წარმომადგენელი საკრებულოსა და დეპუტატის ბიუროში სოსო ჩაფიჩაძე და მერიის შესაბამისი სამსახურების წარმომადგენლები ესწრებოდნენ.



გიორგი ბარათაშვილი ხელმძღვანელობდა. სხდომაზე, დღის წესრიგის შესაბამისად, განიხილეს და მხარი დაუჭირეს საფინანსო-საბიუჯეტო კომისიის თავმჯდომარის, თემურ ქოჩიაშვილისა და ჯანდაცვისა

ლის მუნიციპალიტეტის 2025 წლის ადგილობრივი ბიუჯეტის დამტკიცების შესახებ“ თერჯოლის მუნიციპალიტეტის საკრებულოს 2024 წლის 04 დეკემბრის N18 დადგენილებასა და უსახლკაროდ დარჩენილი ოჯახების დრო-

### „იკითხე ხმამალა, შეცვალე მსოფლიო!“

წიგნის პროპაგანდის და წიგნიერების განვითარების მიზნით, თერჯოლაში წიგნის საჯაროდ კითხვის მსოფლიო დღე აღინიშნა. საინტერესო ღონისძიება გაიმართა თერჯოლის საჯარო ბიბლიოთეკაში.

აქტიურ მკითხველებთან და მოსწავლეებთან ერთად, საჯარო და საგანმანათლებლო სფეროს წარმომადგენლებმაც მიიღეს მონაწილეობა და საყვარელი ავტორის ნაწარმოებებიდან მნიშვნელოვანი ციტატები წაიკითხეს.

საჯარო ბიბლიოთეკაში გა-

მართულ საგანმანათლებლო ღონისძიებას ადგილობრივი თვითმმართველობის ხელმძღვანელი პირებიც შეუერთდნენ. მუნიციპალიტეტის მერმა, საკრებულოს თავმჯდომარესა და თერჯოლის მაჟორიტარ დეპუტატთან ერთად ღონისძიების მონაწილეებს წიგნის საჯაროდ კითხვის მსოფლიო დღე მიულოცა და სიმბოლურად წიგნები გადასცა საჩუქრად.

ღონისძიება მერიის განათლების, კულტურის, სპორტის და ახალგაზრდულ საქმეთა სამსახურის და ა(ა)იპ თერჯოლის სახელოვნებო

განათლების კულტურისა და ტურიზმის განვითარების მუნიციპალური ცენტრის ორგანიზებით მოეწყო.

მსოფლიოში წიგნის საჯაროდ კითხვის კვირეული, დევიზით—„იკითხე ხმამალა, შეცვალე მსოფლიო!“ 2 თებერვალს დაიწყო. აღსანიშნავია, რომ საქართველოში, ამ დღესთან დაკავშირებით ღონისძიებები უკვე მე-10 წელია ეწყობა.

კვირეულის ფარგლებში ღონისძიებები მუნიციპალიტეტის სხვა დაწესებულებებშიც გაიმართა.



### ჯანსაღი და უსაფრთხო გარემოსათვის...

თერჯოლის მუნიციპალიტეტში დასუფთავების მორიგი აქცია ჩატარდა. აქციის ფარგლებში საყოფაცხოვრებო ნარჩენებისგან გაინმინდა ქალაქის ცენტრალური საავტომობილო გზის და ავტობანის მიმდებარე ლოკაციები, ასევე ყველა სასოფლო გზების მიმდებარე ტერიტორიები.



აქციაში მერის წარმომადგენლობა და სოციალურად დაუცველი მოქალაქეები იყვნენ ჩართული. დასუფთავების აქციაში მონაწილეობდა მერის მოადგილე ზვიად ბაზაძე.

თერჯოლის მუნიციპალიტეტში, მერიის შესაბამისი სამსახურების ორგანიზებით, მსგავსი ტიპის დასუფთავების აქციები ინტენსიურად იმართება და მისი მიზანია, საზოგადოების ცნობიერების ამაღლება და ჯანსაღ გარემოზე ზრუნვა.

## გადაწყვეტილებას იღებს მოსახლეობა

### „სოფლის მხარდაჭერის პროგრამა—2025“

მოსახლეობის ხმის გასაგონად თვითმმართველობის ხელმძღვანელობის ყველა წინა ხაზის პირველი პირები ესწრებოდნენ. კრებები 10 თებერვალს დაიწყო და 14 თებერვალს დამთავრდა.



მათი მუნიციპალიტეტის თითოეული სოფლებიდან ასეულობით მოსახლემ მიიღო მონაწილეობა. ყოველ ადმინისტრაციულ ერთეულში დასახელდა ის ინტრასტრუქტურული პროექტები, რომელთა სისტემატიზაცია დროის მოკლე პერიოდში მოხდება მერიის შესაბამის სამსახურებში და შემდგომი გადაწყვეტილების მისაღებად გადაეგზავნება მუნიციპალიტეტის საკრებულოს.

აღსანიშნავია, რომ მიმდინარე წელს კვლავ გაგრძელდება გასულ წელს დამკვიდრებული კარგი პრაქტიკა, რაც არმირებული ბეტონის საფარიანი გზების მოსაწყობად მოსახლეობისათვის საჭირო მასალების გადაცემას გულისხმობს.

„სოფლის მხარდაჭერის პროგრამა“-ის ფარგლებში, მოსახლეობასთან შეხვედრების პირველ დღეს, თერჯოლის მუნიციპალიტეტის მერმა მანუჩარ რობაქიძემ, საკრებულოს თავმჯდომარე გიორგი ბარათაშვილმა და ადგილობრივი ხელისუფლების წარმომადგენლებმა შეხვედრა გამართეს გოდოგნის, კვახჩორის, ჭოგნარის, ქვ. სიმონეთის და ნახშირღელეს ადმინისტრაციულ ერთეულში შემავალი სოფლების მოსახლეობასთან.

შეხვედრებზე მოსახლეობამ დასახელდა ის პრიორიტეტული პროექტები, რომელთა განხორციელება მოხდება „სოფლის მხარდაჭერის პროგრამა“-ის ფარგლებში მუნიციპალიტეტისათვის გამოყოფილი 690 000 ლარიდან, მათთვის განკუთვნილი თანხებიდან ამ სოფლებში უმრავლესობის გადაწყვეტილებით ეს პროექტებია:

1. გოდოგანი—ეკლესიამდე მისასვლელი გზის მოწესრიგება;
2. ნავარევი—გარე განათების სისტემის მოწესრიგება;
3. ჭალასთავი—გარე განათების სისტემის მოწესრიგება;
4. ბროლისქედი—საზ.თავშეყრის ადგილის მოსაწყობად მასალების შექმნა;
5. ჭოგნარი—მინი სტადიონის მოწყობა;
6. კვახჩორი—სანიღვრე სისტემის მოწყობა;
7. ოდილაური—სანიღვრე სისტემის, სკურის მოწყობა, საზ.თავშეყრის ადგილის მოსაწყობად მასალების შექმნა;
8. სარბევი—სანიღვრე სისტემის და გარე განათების მოწყობა, სასაფლაოს შემოღობვა;
9. ნახშირღელე—მინი სტადიონის მოწყობა;
10. ნავენახევი—სანიღვრე სისტემის და გარე განათების მოწესრიგება.

11. ქვ.სიმონეთი—მინი სტადიონის, სანიღვრე სისტემის, წყაროს და გარე განათების მოწესრიგება;

სასოფლო კრებები, მოსახლეობის ასევე მაღალი აქტივობით გამოირჩეოდა 11 თებერვალს ზედა სიმონეთში, ბარდუბანში, ენერში, სიქთარვაში, ახალთერჯოლაში და შეხვედრების მომდევნო დღეებში, ყველა სხვა სოფელში, რომელიც გასულ კვირას დასრულდა.



# თარჯოლის მუნიციპალიტეტის 2025 წლის სოციალური პროგრამები

## უსახლკაროდ დარჩენილი ოჯახების დროებითი საცხოვრებელი ბინის, ქირით უზრუნველყოფის 2025 წლის პროგრამა

დამტკიცებულია თერჯოლის მუნიციპალიტეტის საკრებულოს 2025 წლის 15 იანვრის სხდომაზე (განკარგულება გ-29. 292501513)

### მუხლი 1. ზოგადი დებულებები

1. პროგრამის სახელწოდება: უსახლკაროდ დარჩენილი ოჯახების დროებითი საცხოვრებელი ბინის, ქირით უზრუნველყოფის 2025 წლის პროგრამა.

2. პროგრამის დაწყების და დამთავრების თარიღი: 15 იანვარი 2025 წელი – 31 დეკემბერი 2025 წელი.

3. პროგრამის ბიუჯეტი: 72 000 (სამოცდათორმეტი ათასი) ლარი.

4. პროგრამის დაფინანსების წყარო: თერჯოლის მუნიციპალიტეტის 2025 წლის ბიუჯეტი.

5. პროგრამით მოსარგებლე ბენეფიციართა სოციალური დახმარების თანხა: თვეში – არაუმეტეს 300 (სამასი) ლარი სოფელში და არაუმეტეს 400 (ოთხასი) ლარი ქალაქში.

6. პროგრამის განხორციელებაზე პასუხისმგებელი ორგანო: თერჯოლის მუნიციპალიტეტის მერია.

### მუხლი 2. პროგრამის მიზანი

პროგრამის მიზანია თერჯოლის მუნიციპალიტეტში რეგისტრირებული უსახლკარო მოქალაქეების ბინის ქირით უზრუნველყოფა.

### მუხლი 3. პროგრამით მოსარგებლე პირთა კატეგორია:

ა) თერჯოლის მუნიციპალიტეტში რეგისტრირებულ და ამავდროს მცხოვრები უსახლკარო ოჯახები, რომლებსაც არ გააჩნიათ სხვა საცხოვრებელი ფართი და რომელთა სარეიტინგო ქულა არ აღემატება 120 000 -ს.

ბ) ძალადობის მსხვერპლი პირები, რომლებმაც ისარგებლეს საქართველოს ოკუპირებული ტერიტორიიდან დევნილთა, შრომის, ჯანმრთელობის და სოციალური დაცვის სამინისტროს სისტემაში არსებული მსხვერპლთა დროებითი საცხოვრებელი (თავშესაფრით) და თავშესაფარში მოთავსების ვადის ამოწურვის შემდეგ იმყოფება საცხოვრებლის გარეშე.

### მუხლი 4. დაფინანსების მიღებისათვის საჭირო დოკუმენტაცია და მისი წარდგენის წესი:

ამ პროგრამით მოსარგებლე ბენეფიციარებმა თერჯოლის მუნიციპალიტეტის მერიაში უნდა წარადგინონ:

ა) განცხადება მუნიციპალიტეტის მერის სახელზე;

ბ) განმცხადებლის პირადობის მოწმობის ასლი; გ) საცხოვრებელი ფართობის არქონის დამადასტურებელი დოკუმენტი, ცნობა ქონებრივი მდგომარეობის შესახებ საჯარო რეესტრიდან ოჯახის ყველა სრულწლოვანი წევრის.

დ) შესაბამის ტერიტორიულ ორგანოში მუნიციპალიტეტის მერის წარმომადგენლის წერილობითი რეკომენდაცია განმცხადებლის საცხოვრებელი ფართის არქონის შესახებ;

ე) ქირავნობის ხელშეკრულება 1 წლის ვადით.

ვ) განმცხადებლის საბანკო ანგარიში, გამჭირავებლის პირადობის მოწმობის ასლი და თერჯოლის მუნიციპალიტეტის ტერიტორიაზე არსებული გასაქირავებელი ქონების საკუთრების დამადასტურებელი დოკუმენტი (ამონაწერი საჯარო რეესტრიდან).

ზ) შემაკავებელი ან დამცავი ორდერი ან/და მომხდარი ფაქტის დამადასტურებელი სხვა დოკუმენტი, სადაც მითითებულია მსხვერპლის, მასზე დამოკიდებული პირის თავშესაფარში ან კრიზისულ ცენტრში მოთავსება.

თ) ძალადობის მსხვერპლის თავშესაფარში ან კრიზისულ ცენტრში მოთავსების შემთხვევაში თავშესაფრით სარგებლობის დამადასტურებელი დოკუმენტი.

ი) ამონაწერი სოციალურად დაუცველი ოჯახების მონაცემთა ერთიანი ბაზიდან (მესამე მუხლის „ა“ პუნქტით სარგებლობის შემთხვევაში).

### მუხლი 5. დახმარების გაცემის წესი:

1. თერჯოლის მუნიციპალიტეტის მერიაში წარდგენილ განცხადებას რეკომენდაციის მომზადების მიზნით განიხილავს თერჯოლის მუნიციპალიტეტის მერიის ბრძანებით შექმნილი სამუშაო ჯგუფი.

2. სამუშაო ჯგუფის რეკომენდაციის შესრულებაზე პასუხისმგებელია ჯანდაცვისა და სოციალურ საკითხთა სამსახური, რომელიც ამზადებს მერის ბრძანების პროექტს.

3. მუნიციპალიტეტის მერის ბრძანების გამოცემის შემდეგ თანხის გაცემას უზრუნველყოფს მერიის საფინანსო სამსახური მოქმედი კანონმდებლობის შესაბამისად უნაღდო ანგარიშსწორების ფორმით.

**გიორგი ბარათაშვილი,**  
თერჯოლის მუნიციპალიტეტის საკრებულოს თავმჯდომარე

## სადღესასწაულო დღეების მხარდაჭერის 2025 წლის პროგრამა

დამტკიცებულია თერჯოლის მუნიციპალიტეტის საკრებულოს 2025 წლის 15 იანვრის სხდომაზე (განკარგულება გ-29. 29250154)

### მუხლი 1. ზოგადი დებულებები

1. პროგრამის სახელწოდება: სადღესასწაულო დღეების მხარდაჭერის 2025 წლის პროგრამა.

2. პროგრამის დაწყების და დამთავრების თარიღი: 15 იანვარი 2025 წელი – 31 დეკემბერი 2025 წელი.

3. პროგრამის ბიუჯეტი: 20 000 (ოცი ათასი) ლარი.

4. პროგრამის დაფინანსების წყარო: თერჯოლის მუნიციპალიტეტის 2025 წლის ბიუჯეტი.

5. პროგრამის განხორციელებაზე პასუხისმგებელი ორგანო: თერჯოლის მუნიციპალიტეტის მერია.

### მუხლი 2. პროგრამის მიზანი:

სადღესასწაულო დღეებთან დაკავშირებით (აღდგო-

მა, ბარბარობა, ახალი წელი) თერჯოლის მუნიციპალიტეტში რეგისტრირებული სხვადასხვა მონაცემები (70 წელს გადაცილებული მარტოხელა, მარტოხელა მშობელი, სოციალურად დაუცველი მრავალშვილიანი, 18 წლამდე დიაბეტი დაავადებული ბავშვები, პირველი ჯგუფის უსინათლო) საკვები პროდუქტებით მხარდაჭერა.

### მუხლი 3. პროგრამით მოსარგებლე პირთა კატეგორია:

1. თერჯოლის მუნიციპალიტეტში რეგისტრირებული სხვადასხვა მონაცემები (70 წელს გადაცილებული მარტოხელა, მარტოხელა მშობელი, სოციალურად დაუცველი მრავალშვილიანი, 18 წლამდე დიაბეტი დაავადებული ბავშვები, პირველი

ჯგუფის უსინათლო).

### მუხლი 4. საჭირო დოკუმენტაცია და მისი წარდგენის წესი:

1. ამ პროგრამით მოსარგებლე ბენეფიციარები თერჯოლის მუნიციპალიტეტის მერიაში წარადგენენ განცხადებას, რომელსაც თან უნდა დაერთოს:

ა) განმცხადებლის პირადობის მოწმობის ასლი;

ბ) შესაბამისი ადმინისტრაციული ერთეულის წარმომადგენლისა და მუნიციპალიტეტის საკრებულოს წევრის წერილობითი რეკომენდაცია, რომელიც მიერ ამ უფლებამოსილების განუხორციელებლობის შემთხვევაში, რომელიც დასტურდება შესაბამისი დოკუმენტით. საკმარისია ერთ-ერთის რეკომენდაცია.

გ) კატეგორიის დამადასტურებელი დოკუმენტი (ასეთის არსებობის შემთხვევაში).

### მუხლი 5. საკვები პროდუქტების გაცემის წესი და ოდენობა:

1. ამ პროგრამით განსაზღვრულ ოჯახებს საკვები პროდუქტები მიეცემა შემდეგი ოდენობით:

ა) თერჯოლის მუნიციპალიტეტში რეგისტრირებულ სხვადასხვა მონაცემად ჯგუფებს არაუმეტეს 100 ლარის ოდენობით ერთჯერადად, ხოლო სამუშაო ჯგუფის რეკომენდაციის საფუძველზე შესაძლებელია გაიცეს არაუმეტეს წელიწადში ორჯერ.

2. თერჯოლის მუნიციპალიტეტის მერიაში წარდგენილ

განცხადებას განიხილავს, რეკომენდაციის მომზადების მიზნით, მერის ბრძანებით შექმნილი სამუშაო ჯგუფი.

3. რეკომენდაციის შესრულებაზე პასუხისმგებელია ჯანდაცვისა და სოციალურ საკითხთა სამსახური, რომელიც ამზადებს მერის ბრძანების პროექტს.

4. მუნიციპალიტეტის მერის ბრძანების გამოცემის შემდეგ თანხის გაცემას უზრუნველყოფს მერიის საფინანსო სამსახური მოქმედი კანონმდებლობის შესაბამისად უნაღდო ანგარიშსწორების ფორმით.

**გიორგი ბარათაშვილი,**  
თერჯოლის მუნიციპალიტეტის საკრებულოს თავმჯდომარე

## თერჯოლის მუნიციპალიტეტში რეგისტრირებული ფენილკეტონური და ცელიაკით დაავადებულთა ოჯახების ფინანსური მხარდაჭერის 2025 წლის პროგრამა

დამტკიცებულია თერჯოლის მუნიციპალიტეტის საკრებულოს 2025 წლის 15 იანვრის სხდომაზე (განკარგულება გ-29. 292501515)

### მუხლი 1. ზოგადი დებულებები:

1. პროგრამის სახელწოდება: თერჯოლის მუნიციპალიტეტში რეგისტრირებული ფენილკეტონური და ცელიაკით დაავადებულთა ოჯახების ფინანსური მხარდაჭერის 2025 წლის პროგრამა.

2. პროგრამის დაწყების და დამთავრების თარიღი: 15 იანვარი 2025 წელი – 31 დეკემბერი 2025 წელი.

3. პროგრამის ბიუჯეტი: 18000 (თვრამეტი ათასი) ლარი.

4. პროგრამის დაფინანსების წყარო: თერჯოლის მუნიციპალიტეტის 2025 წლის ბიუჯეტი.

5. პროგრამით მოსარგებლე ბენეფიციართა სოციალური დახმარების თანხა: ფენილკეტონური და ცელიაკით დაავადებული დახმარება ბენეფიციარებისათვის თვეში 300 (სამასი) ლარი.

6. პროგრამის განხორციელებაზე პასუხისმგებელი ორგანო: თერჯოლის მუნიციპალიტეტის მერია.

**მუხლი 2. პროგრამის მიზანი:** პროგრამის მიზანს წარმოადგენს ფენილკეტონური და ცელიაკით დაავადებულთა საკვები პროდუქტებით უზრუნველყოფის ხელშეწყობა.

### მუხლი 3. პროგრამის მოსალოდნელი შედეგები:

პროგრამის განხორციელება დაავადებულთა სასიცოცხლო მნიშვნელობიდან გამოდინარე ხელს შეუწყობს ფენილკეტონური და ცელიაკით დაავადებულთა სპეციალური კვების პროდუქტების უზრუნველყოფას.

### მუხლი 4. პროგრამით მოსარგებლე პირთა კატეგორია:

თერჯოლის მუნიციპალიტეტში რეგისტრირებული ფენილკეტონური და ცელიაკით

დაავადებულები.

### მუხლი 5. დაფინანსების მიღებისათვის საჭირო დოკუმენტაცია და მისი წარდგენის წესი:

პროგრამით მოსარგებლე ბენეფიციარები თერჯოლის მუნიციპალიტეტის მერიაში წარადგენენ:

ა) განცხადება (არასრულწლოვნის შემთხვევაში მშობლის).

ბ) ცნობა შესაბამისი სამედიცინო დაწესებულებიდან ფორმა 100/ა.

გ) განმცხადებლის (მშობლის, მეურვის) საბანკო ანგარიში.

დ) არასრულწლოვნის შემთხვევაში: დაბადების მოწმობა, ორივე მშობლის პირადობის მოწმობის ასლი, ან არასრულწლოვნის რეგისტრაციის ბარათი.

ე) სასამართლო გადაწყვეტილება მეურვის არსებობის შემთხვევაში.

ვ) შესაბამისი დაწესებულებიდან კვების შესახებ ანგარიშ-ფაქტურა.

### მუხლი 6. დაფინანსების წესი:

1. თერჯოლის მუნიციპალიტეტის მერიაში წარდგენილ განცხადებას განიხილავს თერჯოლის მუნიციპალიტეტის მერიის ჯანდაცვისა და სოციალურ საკითხთა სამსახური და თანდართული დოკუმენტაციის პროგრამასთან შესაბამისობის დადგენის შემდეგ ამზადებს მერის ბრძანების პროექტს.

2. მუნიციპალიტეტის მერის ბრძანების გამოცემის შემდეგ თანხის გაცემას უზრუნველყოფს მუნიციპალიტეტის მერიის საფინანსო სამსახური მოქმედი კანონმდებლობის შესაბამისად უნაღდო ანგარიშსწორების ფორმით.

**გიორგი ბარათაშვილი,**  
თერჯოლის მუნიციპალიტეტის საკრებულოს თავმჯდომარე

### მაია მელუაჟა და მისი ლიტერატურული წარმოდგენა „ვინ დაიცავს ვარსკენს“

მაია მელუაჟა ნახშირდღის საჯარო სკოლის ქართული ენისა და ლიტერატურის მასწავლებელი.  
გასულ წელს, მუნიციპალიტეტის სხვა სკოლების 15 პედაგოგთან ერთად, საუკეთესო პრეზენტაციით წარსდგა საგანმანათლებლო რესურსცენტრის ინიციატივით და მუნიციპალიტეტის მერიის მიერ მხარდაჭერილ ღონისძიებაზე. იგი ატარებს მრავალ საინტერესო ღონისძიებას, მაგრამ მეექვსე, მეცხრე, მეათე კლასების მიერ მოწოდებული ლიტერატურული წარმოდგენა „ვინ დაიცავს ვარსკენს“ მაინც გამორჩეული იყო.

**მაია მელუაჟას ერთადერთი კითხვით მიემართეთ: საიდან გაჩნდა იდეა მოგვენოთ ლიტერატურული წარმოდგენა და როგორ წარიმართა იგი.**

„ლიტერატურული წარმოდგენა ხალხურ სანაწილებს ემყარება. მას ხშირად მიმართავდნენ ძველ ქართულ ხალხურ სანაწილებში: „ბერიკაობას“ და „ყეენობაში“. საყურადღებოა ის ფაქტი, რომ „ბერიკაობის“ დროს ეწყობოდა ბერიკების გასამართლება, რომელიც თავისი შინაარსით ინსცენირებულ სასამართლოსა და ლიტერატურული გასამართლების პრიმიტიულ ფორმას წარმოადგენდა. ლიტერატურული წარმოდგენის ღრმად შესწავლა მთელი რიგი თანამედვერული აქტივობების დაგეგმვას მოითხოვს პედაგოგისაგან. სწორად დაგეგმილი აქტივობებით ანალიზის, კრიტიკული და შემოქმედებითი უნარ-ჩვევების განვითარებას. განსაკუთრებული სიფრთხილით ვეკიდებით პაგიორაფიული ძეგლების შესწავლას თავისი მტკიცედ ჩამოყალიბებული დეკლარაცია და ქრისტიანული სიმბოლიკებით.

ასე დაიწყო ქართული მწერლობის უმნიშვნელოვანესი ძეგლის იაკობ ცურტაველის „ნამუბი წმიდისა შუშანიკის დედოფლისა“ შესწავლა. მოსწავლეთა



დაინტერესება დიდი იყო. ნაწარმოების საფუძვლიანად შესწავლის შემდეგ კლასის წინაშე დავსვი შეკითხვა: „ვინ დაიცავს ვარსკენს პიტიახში?“ კლასს გადავხედეთ თითქმის ყველა დედოფალ შუშანიკს თანაურდობდა, მაგრამ მოულოდნელად ხელი აღიმართა, „მე, მასწავლებელი!“—გაისმა გოგონას ხმა. აი, სწორედ მაშინ დაიბადა იდეა მოგვენოთ ლიტერატურული წარმოდგენა გასამართლება ვარსკენს პიტიახში. მოსწავლეთა სრულყოფილად დამოუკიდებლად იმუშავეს, დაინაწილეს როლები. მხოლოდ ფორმებსა და პროცედურებზე მითანხმდებოდნენ.

მოუთმენლად ველოდებოდი მათთან ერთად დანიშნულ დღეს. „ნეტავ რას იზამენ, დაიცვენ ღირსეულად დედოფალს, რა არგუმენტებს შემოიტანავენ ვარსკენის დასაცავად? არ მასვენებდა ეს ფიქრი“.

და აი, ქართულის კაბინეტში ლიტერატურული წარმოდგენაზე მობრძანდნენ: თვით იაკობ ცურტაველი, დედოფალი შუშანიკი, პიტიახში ვარსკენს, ადვოკატები, ბრალმდებელი და მოსამართლე. მოსწავლეთა თავი ღირსეულად ეჭირათ, მოიგვს როლები.

ილბალი მის მოქმედებაზე, პოლიტიკურ გამჭრიახობასა და უნარზე დამოკიდებული.  
ცნობილია ის ფაქტიც, რომ 60-70-იან წლებში შუშანიკის სიციცხლეში მზადდებოდა მიილო შუშანიკის ბიძაშვილმა ვაჰან მაიკონიანმა. თუ ქრისტიანად დაბადებული და ვაზრდილი პიტიახში არ იყო მყარი ქრისტიანი, რატომ იქნებოდა ის მყარი მზადდენი? მას საპიტიახში კარზე, სადაც განუსაზღვრელი უფლებები ჰქონდა, ქრისტიანული ცხოვრების წესი არ მოუშლია. კვლავ ჩვეულებრივად ფუნქციონირებს ეკლესია და ჩვეულებრივად მოღვაწეობენ სასულიერო პირები, მიუხედავად იმისა, რომ მან კარგად იცის, შუშანიკს ზურგს სასულიერო პირები უმაგრებენ.

რაც შეეხება „პურის ჭამის“ ცნობილ სცენას აქ ორივენი იყენებენ საოცარ სიფრთხეს. ვარსკენი აცნობიერებს მის დანაშაულს და სისხამ დილით მდიდის მეუღლის სანახადად. რელიგიის კუთხით შეინიშნება არცერთ ეპიზოდში არ იკვეთება. ვარსკენი არ ითხოვს შუშანიკისგან რჯულის შეცვლას. ჯუანშერიც არაფერს ამბობს ამის თაობაზე. მისი გადმოცემით, შუშანიკი ვარსკენმა „ტანჯვას სანაშადად“. სიყვარულით მართლაც ყვარებით ერთმანეთი, მაგრამ რელიგიური და პოლიტიკური პრობლემა ჩადგა მათ შორის.

ცნობილია, რომ იმ პერიოდში როდესაც ვახტანგ გორგასალმა ბერძენი ცოლი შეირთო მისი პოლიტიკა გახდა ანტიპარსული. ვარსკენიც იმ პოლიტიკას აგრძელებს, რომელიც ბერძენი ქალის შერთვამდე ჰქონდა გორგასალს: კარგი პოლიტიკური ურთიერთობა სპარსეთთან და ერთმანეთს ეხმარება ბიზანტიასთანაც. სწორედ ამიტომ არ ეძალება ვარსკენი შუშანიკს სარწმუნოების შეცვლას და ამიტომ მოითხოვს დაიხმებოდეს სახლში დაბრუნდეს, რომ სახლში ქრისტიანი ცოლი ეყვას, რაც მის ორმაგ პოზიციას შეესატყვისება. პიტიახში შინაგან ქრისტიანულ სულსკვეთებას ადასტურებს ბოლნისის სიონის ჩრდილო ნაგში აფსიდში მესამე სვეტზე რელიეფური ბოლნური ჯვრის თავზე გამოქანდაკებული წარწერის „ესე ჯვარსი ვარსკენს ნაპატივისა“.

შუშანიკი იყო შუშანიკი დედოფალი: „შენ მამისა შენისა საქმენი განპრყუნენ და სხვად გარდააქციენ კეთილნი მისნი, მამამან შენმან წმინდანი შემოიხუნა სახიდ თვისისა, ხოლო შენ დევნი შემოიხუნენ, მან ღმერთი ცაათაი და ქუეყანისა აღიარა და ჰრწმენა, ხოლო შენ ღმერთი ქმმარა ივარჱყავ და ცეცხლსა თაყვანი ქც“.

საუკეთესო გამოდგა დედოფლის დამცველიც—„ნ წელი გამოკეტა ვარსკენმა საპყრობილემში, მაგრამ რაც უფრო ბევრს ტანჯავდა, იმ ხალხის რაოდენობა ვინც შუშანიკის მიმართ ერთგულდება იზრდება, მით უფრო იზრდებოდა. მიუხედავად იმისა, რომ მას არ გააჩნდა არანაირი მატერიალური ღირებულება, ხალხი მაინც დიდ პატივს სცემდა მას, ისევე დედოფლად აღიარებდნენ. შუშანიკის ასეთმა დიდი ნაბიჯმა, გამოიწვია სიკეთის გაძლიერება. ნელ-ნელა ჩაიხში ბოროტება. აღარ ეშინოდა ხალხს ვარსკენის, ამიტომაც არის შუშანიკი ღირსეული, დიდი ადამიანი. პირველი იყო, რომელმაც მის გარემოცვაში გადადგა ასეთი მტკიცე ნაბიჯი, დიდებულად გა-



წი ზურვით დაფისაკენ!“ ანუ დევნურთო მუზეუმებს საგანმანათლებლო ფუნქცია. აღნიშნული მასალებით ავტორი გამოყოფს კარგი მკითხველის ჩამოყალიბების საქმეში მასწავლებლისა და მშობლის როლს, ყურადღებას ამახვილებს მუზეუმების საგანმანათლებლო ფუნქციაზე, იმ დიდ მისიაზე, რომელიც მუზეუმებს, მემორიალურ ნივთებს შეუძლიათ შეასრულონ მოსწავლეთა ღირებულებითი დამოკიდებულების ჩამოყალიბების საქმეში.

ქალბატონი მაია აქტიურად მონაწილეობდა დანწყობითი განათლების პროექტ G-PRIED-ში, მის მიერ დაგეგმილი და გამოყენებული აქტივობა-„ავტორი სტუმრად ვაკვეთილზე“, საინტერესო საგანმანათლებლო რესურსად ითვლება.

იგი აქტიურად თანამშრომლობს აკაკი წერეთლის სახელობის ქუთაისის სახელმწიფო უნივერსიტეტის დანწყობითი სწავლების მეთოდის კათედრასთან, უზიარებს მათ გამოცდილებას. უნივერსიტეტის დანწყობითი სწავლების მეთოდის კათედრის ასოცირებულ პროფესორ ჯამბუ ავალიანთან ერთად შექმნილი სტატია „ლირიკული ნაწარმოების სწავლების ფსიქოლოგიურ-მეთოდოლოგიური ასპექტები“ გამოქვეყნდა საქართველოს განათლების მეცნიერებათა აკადემიის ჟურნალში „მაცნე“ (N21. თბ. 2022. გვ. 85). ამით მან მნიშვნელოვანი გამოცდილება გაუზიარა კოლეგებს.

ის ეხმარება მოსწავლეთა საკუთარი თავის შემოქმედებითად გამოხატვაში, ხელმძღვანელობდა მოსწავლეთა თეატრს. მან სასკოლო თეატრს და საბავშვო ბალებს შესთავაზა საინტერესო სპექტაკლი. ნლებია აქტიურად თანამშრომლობს თერაპიის მოსწავლეთა-ახალგაზრდობის ცენტრთან. მისი მოსწავლეთა აქტიურად მონაწილეობენ და იმარჯვენენ ლიტერატურულ და ქართული კალიგრაფიის კონკურსებში. აქტიურად იღვნის პროფესიულ განვითარებაზე, მონაწილეობს დაგეგმილ ტრენინგებში. მასწავლებელი სკოლის მიღმა წლების განმავლობაში აქტიურად თანამშრომლობდა შშმ ბავშვებისა და მშობლების დასახმარებლად შექმნილ არასამთავრობო ორგანიზაციაში „ჩვენი გზა“.

\*\*\*

თუ როგორ იცნობს, როგორ ხედავს იგი მასწავლებლის დანიშნულებას, როგორ ცდილობს ეროვნული სახალხო გემის ყველა მართებული აქტიურად იმუშაოს, ამ ერთი ღონისძიებითაც შეიძლება შეფასდეს.

შუშანა ცხადაძე





# თერჯოლის მუნიციპალიტეტის 2025 წლის სოციალური პროგრამები

## თერჯოლის მუნიციპალიტეტში რეგისტრირებული უპატრონო მიცვალებულის სარიტუალო მომსახურების 2025 წლის პროგრამა

2. თერჯოლის მუნიციპალიტეტის მერიის ნარდგენილ განცხადებას განიხილავს თერჯოლის მუნიციპალიტეტის მერიის ჯანდაცვისა და სოციალურ საკითხთა სამსახური.

3. გადაწყვეტილების შესრულებაზე პასუხისმგებელია ჯანდაცვისა და სოციალურ საკითხთა სამსახური, რომელიც ამზადებს მერის ბრძანების პროექტს.

4. მუნიციპალიტეტის მერის ბრძანების გამოცემის შემდეგ თანხის გაცემას უზრუნველყოფს მერიის საფინანსო სამსახური მოქმედი კანონმდებლობის შესაბამისად უნაღდო ანგარიშსწორების ფორმით.

**გიორგი ბარათაშვილი,**  
თერჯოლის მუნიციპალიტეტის საკრებულოს თავმჯდომარე

## თერჯოლის მუნიციპალიტეტში რეგისტრირებული საჭიროების მქონე ბავშვიანი ოჯახების მხარდაჭერისა და გაძლიერების 2025 წლის პროგრამა

დამტკიცებულია თერჯოლის მუნიციპალიტეტის საკრებულოს 2025 წლის 15 იანვრის სხდომაზე (განკარგულება გ-29. 292501511)

**მუხლი 1. ზოგადი დებულებები**  
1. პროგრამის ამოცანაა „ბავშვის უფლებათა კოდექსით“ განსაზღვრული ოჯახის / ბავშვის მხარდაჭერი ღონისძიება, რომლის მიზანია ბავშვის მიტოვების ან ოჯახისგან განცალკევების პრევენცია, სილატაკეში ან / და კრიზისში მყოფი ბავშვიანი ოჯახების პირველადი საჭიროებების დაკმაყოფილება და ბავშვის ოჯახურ გარემოში აღზრდის ხელშეწყობა.

2. პროგრამის დაწყების და დამთავრების თარიღი: 2025 წლის 15 იანვარი – 2025 წლის 31 დეკემბრამდე;  
3. პროგრამის ბიუჯეტი: 25 000 (ათი ათასი) ლარი;  
4. პროგრამის დაფინანსების წყარო: თერჯოლის მუნიციპალიტეტის 2025 წლის ბიუჯეტი;  
5. პროგრამის განხორციელებაზე პასუხისმგებელი ორგანო: თერჯოლის მუნიციპალიტეტის მერია;

**მუხლი 2. პროგრამის ღონისძიებები:**  
პროგრამის მიზანია, დაეხმაროს მუნიციპალიტეტში რეგისტრირებულ სამიზნე ჯგუფს საყოფაცხოვრებო ტექნიკის, ჰიგიენური საშუალებების, მედიკამენტის, სამ წლამდე ბავშვთა კვების პროდუქტების, საკანცელარიო (მათ შორის სახელმძღვანელოები) და სხვადასხვა პირველადი საჭიროების მქონე ნივთების შექენაში.

**მუხლი 3. პროგრამის სამიზნე ჯგუფი:**  
პროგრამით გათვალისწინებული მომსახურების სამიზნე ჯგუფს წარმოადგენს თერჯოლის მუნიციპალიტეტის მერიის ბავშვისა და ოჯახის სოციალური მუშაკის შეფასების საფუძველზე, გამოკვეთილი თერჯოლის მუნიციპალიტეტში რეგისტრირებული საჭიროების მქონე ბავშვიანი შემდეგი ოჯახები:

ა) ოჯახები, რომელთაც ჰყავთ 4 და მეტი ბავშვი;  
ბ) მიტოვების რისკის მქონე ბავშვიანი ოჯახები;  
გ) ოჯახები, რომელთაც ჰყავთ შშმ ბავშვი / ბავშვები;  
დ) ობოლი ბავშვები;  
ე) ბავშვები, რომელთაც ჰყავთ შშმ მშობლები;  
ვ) მარტოხელა მშობლის სტატუსის მქონე სოციალურად დაუცველი ბავშვიანი ოჯახები;

**მუხლი 4. დაფინანსება:**  
ბავშვისა და ოჯახის სოციალური მუშაკის მიერ გამოვლენილი საჭიროების მქონე ბავშვიანი / ბავშვებიანი ოჯახები, რომლებიც საჭიროებენ მხარდაჭერას პროგრამის ფარგლებში მიეცემათ არაუმეტეს 1000 (ათასი) ლარის ფინანსური დახმარება წელიწადში ერთჯერადად.

**მუხლი 5. პროგრამის ადმინისტრირების წესი:**  
1. მუნიციპალიტეტის მერიაში შემოსულ განცხადებებს (ინფორმაციას) განიხილავს ბავშვთა უფლებების დაცვისა და მხარდაჭერის განყოფილება;  
2. ბავშვისა და ოჯახის სოციალური მუშაკის შეფასების დოკუმენტის ინტერდისციპლინარული განხილვის საფუძველზე წარმოდგენილ სამოქმედო გეგმას ან / და საჭიროებების შეფასების (სკრინინგის) დოკუმენტს განიხილავს მერის ბრძანებით შექმნილი კომისია და შემოუშავებს მერის სახელზე რეკომენდაციას;  
3. კომისიის რეკომენდაცია შემდგომი რეაგირების მიზნით გადაეცემა ადმინისტრაციული და შესყიდვების სამსახურის ბავშვის დაცვისა და მხარდაჭერის განყოფილებას, რომელიც კომისიის რეკომენდაციის საფუძველზე, ამზადებს ფინანსური დახმარების გაცემის შესახებ თერჯოლის მუნიციპალიტეტის მერის ბრძანების პროექტს;

**მუხლი 6. დახმარების მიღებისათვის საჭირო დოკუმენტაცია:**  
ა) ბავშვის / ბავშვების დაბადების მოწმობა / მოწმობები  
ბ) მშობლის / ბავშვის შშმ სტატუსის დამადასტურებელი დოკუმენტი (ასეთის არსებობის შემთხვევაში)  
გ) მშობლის / მშობლების გარდაცვალების დამადასტურებელი დოკუმენტი (ასეთის არსებობის შემთხვევაში)

დოკუმენტი (ასეთის არსებობის შემთხვევაში)  
დ) მშობლის საბანკო ანგარიშის ნომერი;  
ე) მარტოხელა მშობლის სტატუსის მქონე სოციალურად დაუცველი ბავშვიანმა ოჯახებმა, მარტოხელა მშობლის სტატუსის დამადასტურებელი დოკუმენტი და ამონაწერი სოციალურად დაუცველი ოჯახების მონაცემთა ერთიანი ბაზიდან;

**მუხლი 7. პროგრამის მოსალოდნელი შედეგი:**

## თერჯოლის მუნიციპალიტეტში რეგისტრირებული აუტისტური სპექტრის მქონე ბავშვთა რეაბილიტაცია / აბილიტაციის 2025 წლის პროგრამა

დამტკიცებულია თერჯოლის მუნიციპალიტეტის საკრებულოს 2025 წლის 15 იანვრის სხდომაზე (განკარგულება გ-29. 292501512)

**მუხლი 1. ზოგადი დებულებები:**

1. პროგრამა ითვალისწინებს თერჯოლის მუნიციპალიტეტის ტერიტორიაზე რეგისტრირებული და ფაქტობრივად მცხოვრები 2-დან 7 წლამდე ICD10 პროგრამის ვალიდური დიაგნოზის მქონე ბენეფიციარების სარეაბილიტაციო კურსის დაფინანსებას, რომლებიც რეაბილიტაციის გათვალისწინებული შესაბამისი დაწესებულებაში, რომელიც წარმოდგენილი უნდა იყოს შემდეგი შემადგენლობით: ქცევითი თერაპევტი, რომელიც არის ბავშვის ემოციურ – ქცევითი აშლილობების მართვის უნარ – ჩვევების მქონე და გავლილი აქვს ქცევის გამოყენებითი ანალიზის საერთაშორისო ან / და ადგილობრივი ბაზისური თეორიული კურსი 40 საათის ხანგრძლივობით დადასტურებული სერტიფიკატით ან / და შესაბამისი დოკუმენტით და აქვს ქცევითი თერაპიის დამოუკიდებლად ჩატარების სულ მცირე, 1 წლიანი სამუშაო გამოცდილება და მეტყველების თერაპევტი.

2. პროგრამის დაწყების და დამთავრების თარიღი: 2025 წლის 15 იანვარი – 2025 წლის 31 დეკემბრამდე;

3. პროგრამის ბიუჯეტი: 25 000 (ათი ათასი) ლარი;

4. პროგრამის დაფინანსების წყარო: თერჯოლის მუნიციპალიტეტის 2025 წლის ბიუჯეტი;

5. პროგრამის განხორციელებაზე პასუხისმგებელი ორგანო: თერჯოლის მუნიციპალიტეტის მერია;

**მუხლი 2.**

1. თერჯოლის მუნიციპალიტეტში რეგისტრირებული სოციალურად დაუცველი ოჯახების (სარეიტინგო ქულა 120 000 ის ჩათვლით) ბავშვთა (2-7 წლამდე) ადრეული განვითარების ხელშეწყობა წარმოდგენილი დოკუმენტაციისა და სოციალური მუშაკის სკრინინგის ფორმის ან / და ბავშვისა და ოჯახის შეფასების და დასკვნის მიხედვით პროგრამით ისარგებლებენ:

- 1.1. განვითარების ზოგადი აშლილობა (F84.0-F84.9) ჯგუფის შემდეგი დიაგნოზები:  
ა) F84.0 ბავშვთა აუტიზმი;  
ბ) F84.1 ატიპიური აუტიზმი;  
გ) F84.2 რეტის სინდრომი;  
დ) F84.3 ბავშვთა სხვა დეზინტეგრაციული აშლილობა;  
ე) F84.5 ასპერგერის სინდრომი;  
ვ) F84.8 განვითარების სხვა ზოგადი აშლილობა;
- 2.2. სხვა გონებრივი ჩამორჩენილობა (F78.0-F78.9) ჯგუფის შემდეგი დიაგნოზები:  
ა) F78.0 სხვა გონებრივი ჩამორჩენილობა. ქცევის აშლილობა არ არსებობს ან მინიმალურია;  
ბ) F78.1 სხვა გონებრივი ჩამორჩენილობა. არსებობს ქცევის მნიშვნელოვანი აშლილობა, რომელიც მოითხოვს ყურადღებას და მკურნალობას;  
გ) F78.8 სხვა გონებრივი ჩამორჩენილობა. სხვა

პროგრამის განხორციელება ხელს შეუწყობს თერჯოლის მუნიციპალიტეტში მცხოვრები საჭიროების მქონე ბავშვიანი ოჯახების გაძლიერებას და ბავშვის ოჯახურ გარემოში აღზრდა-განვითარებას.

**გიორგი ბარათაშვილი,**  
თერჯოლის მუნიციპალიტეტის საკრებულოს თავმჯდომარე

ქცევითი აშლილობანი;

**მუხლი 3.**

პროგრამით სარგებლობისათვის ბენეფიციარის კანონიერმა წარმომადგენელმა თერჯოლის მუნიციპალიტეტის მერიაში უნდა წარმოადგინოს:

- ა) განცხადება თერჯოლის მუნიციპალიტეტის მერის სახელზე;  
ბ) ბენეფიციარის პირადობის ან / და დაბადების მოწმობის ასლი;  
გ) მშობლის / კანონიერი წარმომადგენლის პირადობის დამადასტურებელი მოწმობა;  
დ) ცნობა ჯანმრთელობის მდგომარეობის შესახებ (ფორმა №IV-100 / ა), რომელშიც მითითებული იქნება პროგრამისთვის ვალიდური დიაგნოზები ICD10-ს და გაცემულია პროგრამის განმარტოვებული ნარდგენამდე არაუმეტეს 2 თვით ადრე და მასში მითითებულია პირის ძირითადი დიაგნოზი;  
ე) დიაგნოსტიკისთვის აუცილებელი, სულ მცირე, „ADOS-2“ აუტიზმის სადიაგნოსტიკო კვლევის შედეგი, „ADOS“ ტესტირების შედეგი.

**მუხლი 4.**

1. დაფინანსება განისაზღვრება პროგრამაში ჩართული ბენეფიციარის თვეში მიღებული მომსახურების (სარეაბილიტაციო კურსი – 10 საათი) თანხის არაუმეტეს 220 ლარისა, ან ფაქტობრივი მომსახურების შესაბამისად ყოველი მომდევნო თვის 10 რიცხვამდე წარმოდგენილი დოკუმენტაციის მიხედვით.

2. თვეში 10 საათის სარეაბილიტაციო კურსის განსაზღვრის შემთხვევაში სეანსების რაოდენობა უნდა შეადგენდეს არანაკლებ 7 ვიზიტს.

**მუხლი 5.**

ბენეფიციარი არასაპატიო მიზეზით მინიმალურზე ნაკლები რაოდენობის სეანსების მიღების შემთხვევაში იღებს მომსახურების შეწყვეტაზე წერილობით გაფრთხილებას, ხოლო განმეორებით შემთხვევაში, სერვისის მიმწოდებლის მიერ შეუწყდება ქვეპროგრამით გათვალისწინებული მომსახურება. გამომდინარე აქედან, ჩატარებული სეანსების ანაზღაურება მოხდება სერვისის მიმწოდებლის მიერ წარმოდგენილი ფაქტობრივად განეული ხარჯის შესაბამისად.

5. პროგრამით სარგებლობის დროს თერჯოლის მუნიციპალიტეტის მერია ბენეფიციარზე სამედიცინო დაწესებულებაში წარსადგენად გასცემს ადმინისტრაციულ დაპირებას, რომლის გამოყენების ვადა განისაზღვრება გაცემიდან 30 (ოცდაათი) კალენდარული დღით.

6. დაფინანსების გადარიცხვისთვის მიმწოდებელმა შესრულებული სამუშაო უნდა წარმოადგინოს რეაბილიტაცია / აბილიტაციის კურსის ჩატარებიდან 30 (ოცდაათი) კალენდარული დღის განმავლობაში.

**გიორგი ბარათაშვილი,**  
თერჯოლის მუნიციპალიტეტის საკრებულოს თავმჯდომარე

თერჯოლის №3 საბავშვო ბავშვთა ბაღის თანამშრომლები სამძიმარს უცხადებენ ლალი ჩაფიჩაძეს ძმიშვილის

**ამირან ჩაფიჩაძის**

გარდაცვალების გამო.

# ლამაზად დანახული სამყარო



**მარიამ ყიფიანის და ბარბარე მარუაშვილის პერსონალური გამოფენა**  
 31 იანვარი 14:00სთ



## მარიამ ყიფიანის და ბარბარე მარუაშვილის პერსონალური გამოფენა

ასეთი აფიშა გაჩნდა თერჯოლის სამხატვრო საგანმანათლებლო სკოლის შენობისა და ფეისბუქის კედლებზე მიმდინარე წლის პირველი თვის ბოლო დღეებში. ლამაზი ხელნერით შესრულებული აფიშა-განცხადება ერთდროულად სასიხარულოც იყო, საინტერესოც და ჩემი აზრით, თამამი განაცხადიც. თუმცა სამხატვრო სკოლის შემოქმედი და პასუხისმგებელი დირექტორი ქალბატონი თამარ ლარიბაშვილი აღმზრდელ-მასწავლებლებთან ერთად, პატივს სცემს და ითვალისწინებს რა დამთვალეობა ინტერესსა და გემოვნებას, ყოველ ვერსიასა და მალაქაზე შესრულებული მოსწავლეთა ნამუშევრებით ნამდვილად „ანებივრებს“ დამთვალეობებს.

საგამოფენო დარბაზში არაჩვეულებრივი სილამაზე გვხვდება. „მზეკაბანის“ მეექვსეკლასელ მარიამისა და ქ. თერჯოლის №2 საჯარო სკოლის მეშვიდეკლასელ ბარბარეს ნახატებს სრულად შეუვსიათ საგამოფენო სივრცე. ცენტრიდან ორად გაყოფილი კედლები ერთ მხარეს მარიამის, მეორე მხარეს კი ბარბარეს ნამუშევრებს უკავია და დასათვალეობლად გვიჩვენებს.

სრულიად განსხვავებული ხედვის, სტილის, ხელნერის, გემოვნების, შინაგანი სულიერი სამყაროს მქონე, ამავე დროს ნიჭიერი და შრომისმოყვარე ორი შემოქმედი, ლოყებმეფარე კლუნი დარბაზში არიან და ინტერესით აკვირდებიან დამთვალეობელთა რეაქციას, ბუნებრივად, ლელავენ...

თამარ ლარიბაშვილი: მოგესალმებით ყველას და მადლობა იმისათვის, რომ პოულობთ დროს, ნახოთ, როგორ იზრდებიან გამოფენიდან გამოფენამდე

კიდევ ერთი განცხადების მნიშვნელოვანი დღე. როცა წლების შემდეგ ეს გოგონები განვილი გზას გადახედავენ და დაფიქრდებიან, რომელი დღე იყო მათ ცხოვრებაში განსაკუთრებით საუკეთესო, გამორჩეული და ღირსასხოვარი, მე ღრმად ვარ დარწმუნებული, ორივე მათგანი დღევანდელ დღეს გაისვენებს...

ბარბარეს დიდი ხანია ვიცნობთ თავისი არაჩვეულებრივი აკადემიური ნახატებით, რომელიც კარგად აღიქვამს სამყაროს და შესრულების საუკეთესო სტილიც გააჩნია, ყოველთვის მონანილოვს გამოფენებში. მარუაშვილებს მგონი გენეტიკური ნიჭი აქვთ, რომელსაც ყოველთვის თამამად ამჟღავნებენ თავიანთ ნამუშევრებში. ბარბარე ძალიან შრომისმოყვარეა, რასაც ეს გამოფენაც ადასტურებს. მას ხელოვნების გზაზე უკვე გარკვეული ნაბიჯები აქვს გადადგმული, მისგან მხოლოდ და მხოლოდ წარმატებულ მომავალს ველოდებით.

მარიამი მორიდებული, წყნარი გოგონაა და მასთან მუშაობა სასიამოვნოა. ორი თვის წინ თავისი ნამუშევრები მოიტანა, რომელიც სრულიად განსხვავებული და ახალია, შეიძლება ანიმაციურ ფანრს მივაკუთნოთ. ერთი გმირი, უამრავ ნამუშევარში, ერთმანეთისაგან სრულიად განსხვავებული ხასიათით, ფორმით, მნიშვნელობით. ერთი სიტყვით, ეს ყველაფერი გოგონას შინაგანი სამყაროს ხედვაა, რასაც შეიძლება ახსნაც ვერ მოუძებნო.

მიიხრა, რომ სახლში თავის თავის ხატავდა მამის ნაჩუქარ ალბომში. გადავწყვიტეთ, რომ ეს გამოფენა მიგვეძენა ნიჭერი გოგონებისათვის, რათა ჩვენი სკოლის მოსწავლეებმა ნახონ, რომ დამოუკიდებელი მუშაობა სასარგებლო და მნიშვნელოვანია თავიანთ თავში ძალისა და უნარის საპოვნელად.

35 წელია სამხატვრო სკოლის დირექტორი ვარ, აღნიშნა ქალბატონმა თამარმა, ბევრი ძნელი პერიოდი, მძიმე წლები გამოვიარე და გადავლახე მხოლოდ და მხოლოდ იმით, რომ ყოველთვის მყავდნენ ნიჭიერი მოსწავლეები და მათთან მუშაობა მაძლიერებდა.

ახალი ნიჭიერი ბავშვების აღმოჩენა ისევ მახალისებს და მამბენიერებს. დღევანდელი დღეც სიხალისესა და ნიჭიერების კიდევ ერთი გაცხადებაა და ღმერთს ვთხოვ უსასრულოდ ასე გაგრძელდეს.

გამოფენამ დამთვალეობების საერთო მოწონება დაიმსახურა, მათ შორის მრავლად იყვნენ ის ადამიანები, რომლებმაც თავიანთი განწყობა, შთაბეჭდილება და მილოცვა საჯაროდ აღნიშნეს, იყო ძალიან საგულისხმო შეფასებები, სამადლობელი და სურვილები, როგორც სკოლის მიმართ, ასევე ნამუშევრების ავტორთა მიმართ. მათ შორის იყვნენ: აზა მემანიშვილი, კერძო სკოლა „მზეკაბანის“ ხელმძღვანელი, ფიქრია დემეტრაშვილი, თერჯოლის №2 საჯარო სკოლის დირექტორი, თეა რიჟაძე, თერჯოლის №2 საჯარო სკოლის ხელოვნების პედაგოგი, გურამ თურქაძე, თერჯოლის საკრებულოს თავმჯდომარის თანაშემწე, შორენა ბოჭორიშვილი, ა(ა)პ თერჯოლის სახელოვნებო განათლების ცენტრის დირექტორის მოადგილე, ვალერი კუბლაშვილი, თერჯოლის სამუსიკო-საგანმანათლებლო სკოლის დირექტორი, ნანა ჭანტურიძე, არნოლდ დოლაკიძე, კერძო სკოლა „მზეკაბანის“ პედაგოგი, მამა ანდრია (ყიფიანი) მარიამის მამა, ლვანკითის ტაძრის მოძღვარი, ნინო ჩხიკვაძე, თერჯოლის საკრებულოს თავმჯდომარის მოადგილე, სამხატვრო სკოლის პედაგოგი, ეკატერინე, სამხატვრო სკოლის პედაგოგი, რუსუდან ნიშნიანიძე, საბავშვო ბიბლიოთეკის ხელმძღვანელი.

ბარბარესა და მარიამს გულითადად მიულოცა მუნიციპალიტეტის მერმა მანუჩარ რობაქიძემ, მაღალი შეფასება მისცა მათ პერსონალურ გამოფენას, მათ ზებუნებრივ ნიჭს და შრომისმოყვარეობასაც გაუსვა ხაზი და წარმატებები უსურვა თითოეულს მომავალში. მანამდე კი, მან, თამარობა მიულოცა სკოლის დირექტორს, ქალბატონ თამარს და აღნიშნა, რომ თერჯოლის სამხატვრო სკოლის წარმატებული საქმიანობა, თითოეული მოსწავლის სიყვარული ხელოვნების ამ დარგისადმი და თუნდაც ის ფაქტი, რომ მოსწავლეები აქ სიხარულით მოდიან და სწავლობენ ყოველგვარი ძალდატანების გარეშე, ეს ყოველივე ამ სკოლის დირექტორისა და პედაგოგების დამსახურებაა.

მუნიციპალიტეტის პირველმა პირმა გამოთქვა მზაობა სამხატვრო სკოლის თანადგომისა და მხარდაჭერისათვის. თუ საჭიროება იქნება, თუნდაც ახალი ჯგუფის შექმნისა და მისი გაფართოებისათვის, იმის გათვალისწინებით, რომ არც ერთი ნიჭიერი და დაინტერესებული ახალგაზრდა არ დარჩეს სკოლის მიღმა.

მანუჩარ რობაქიძემ მადლობა გადაუხადა სკოლის პედაგოგებს, მოსწავლეებსა და მათ მშობლებს, სკოლის თითოეულ გულმემატკივარს, რომელთა ერთობლივი ძალისხმევით თერჯოლის სამხატვრო სკოლა ერთ-ერთი წარმატებულია ქვეყნის მასშტაბით.

ლოდინი მარიამ ყიფიანისა და ბარბარე მარუაშვილის პერსონალური გამოფენის მიმართ ნამდვილად იყო და ეს დღეც დადგა. სამხატვრო სკოლაში იკრიბებიან ორი გამორჩეული ნიჭიერი და შრომისმოყვარე, ლამაზი გოგონას ახლობლები, თანაკლასელები, სკოლების ხელმძღვანელები, გულმემატკივრები და არა მხოლოდ ისინი, აქ არიან საზოგადოების, მერიისა და საკრებულოს, ასევე საჯარო სამსახურის სხვა წარმომადგენლები, ყველა ისინი, ვინც ინტერესით თვალს ადევნებს და სისტემატიურად ელოდება სამხატვრო სკოლაში მიმდინარე პროცესებს, გამოფენებს თუ სხვადასხვა აქტივობებს.



„ნორჩი მხატვრები“ და ჩვენთან ერთად გაიზაროთ სიხარული, რომელიც ყოველ ასეთ დღეებს მოაქვს ხოლმე...

პირველ რიგში მადლობა დღევანდელი დღის შემოქმედთ. ესენი არიან მარიამი და ბარბარე, ორი არაჩვეულებრივი გოგონა, ორი მხატვარი... დაიხ, ასე თამამად შეგვიძლია ვთქვათ, რომ ისინი უკვე მხატვრები არიან, მათ გააჩნიათ თავიანთი სულიერი სამყარო, ალქმისა და შემოქმედების უნარი. ეს ყველაფერი, რაც აქ არის წარმოდგენილი, მათ შექმნეს დამოუკიდებლად თავიანთი შინაგანი მოთხოვნებით. როგორც ხედავთ ჩვენ დღეს განსაკუთრებული დღე გვაქვს. ნიჭიერების

მარიამი ორი წელია, რაც ჩვენს სკოლაში მოვიდა, მისმა ძმებმა ვახტანგ და ნიკოლოზ ყიფიანებმა კი გასულ წელს დაამთავრეს ჩვენი სკოლა. ორივენი დღეს სტუდენტია, ძალიან ნიჭიერი და საუკეთესო ახალგაზრდები არიან. მახსოვს, ერთხელ გზაზე ხატავდნენ ჩვენი ბავშვები. ვათვალეობ და ვხედავ ყიფიანებს ტაძარი დაუხატავთ, ეს ისეთი შთაბეჭედავი და საუკეთესო შესრულება იყო, ჩემდა უნებურად, პირველი გადავიწერე. მართალია, უმაღლესში სწავლა სხვა მიმართულებით გააგრძელეს, მაგრამ ხატვასთან ზიარება მათ სამომავლო გზას, უთუოდ, სხვა ხიბლს შესძენს.

კორესპონდენტები: ჟ. ცხადაძე—558 90 82 55 მ. ცქიფურიშვილი—555 28 11 41 ელ-ფოსტა: [gazetiterjola@gmail.com](mailto:gazetiterjola@gmail.com)

**ფია ცქიფურიშვილი**

**შპს „თერჯოლა“**  
 გამომცემელი: ვალერიან გოგიაშვილი 599 92 49 75  
 მთავარი რედაქტორი: დავით კლდიაშვილი 599 91 24 14  
 სარედაქციო კოლეჯია  
 ] რეგისტრაციის №53/5/ბ-23 გამომცემლის თვეში ორჯერ

კორესპონდენტები:  
 ჟ. ცხადაძე—558 90 82 55  
 მ. ცქიფურიშვილი—555 28 11 41  
 ელ-ფოსტა: [gazetiterjola@gmail.com](mailto:gazetiterjola@gmail.com)

აიწყო და დაკაბადონდა რედაქციის კომპიუტერულ ცენტრში  
**მისამართი:**  
 ქ. თერჯოლა, კოსტავას ქუჩა №2  
 დაიბეჭდა ქუთაისის შპს „ხომლი ენ“-ის სტამბაში ქუთაისი, ჭავჭავაძის გამზ. №33

ჩვენი რეკვიზიტები:  
 „ლიბერთი ბანკი“  
 LBRTGE22,  
 ანგარიში  
 GE32LB0113133960124000  
 ს/კ 231948872